



CELEBRATE  
**FATHER'S DAY**  
 SUNDAY, JUNE 16TH

**220Z. T-BONE STEAK FEATURE CUT**  
**- PAIRED WITH MACHOMAN MONASTRELL WINE -**

6 PM | PRICE \$59\* | AT BLT STEAK  
 RESERVATION +297.527.2399 OR +297.527.2222  
\*tax and gratuities not included

  
  


## Santa Rosa cu presentacion di “Agricultura Sustenibel” na ACURIL XLIX

**ORANJESTAD** - E aña aki, Aruba a fun-  
 gi como e anfitrión pa loke ta e confer-  
 encia, ACURIL XLIX Aruba 2019 cual  
 ta e Association of Caribbean Univer-  
 sity, Research and Institutional Libraries  
 (ACURIL) ta organisa diferente confer-  
 encia internacional. Esaki ta un confer-  
 encia cu ta ser organisa, anualmente, na  
 diferente isla y país, den Caribe.

E aña aki, Aruba ta e isla anfitrión y e confer-  
 encia a inicia cu tayernan, desde diadomingo  
 2 di juni y lo continua durante full e siman  
 aki, te cu diahuebs 6 di juni den Renaissance  
 Convention Center. Tin diferente presen-  
 tacion y tayer, cual ta tuma luga tanto den e  
 sala principal, como den otro salanan di re-  
 union na Renaissance. E conferencia a wordo  
 organisa door di Biblioteca Nacional Aruba  
 bou direccion di su Astrid Britten y hunto  
 e comision organisado di Aruba y di Acuril.  
 Departamento di Agricultura, Cria y Pesca,  
 conoci como Santa Rosa cu hopi orguyo,  
 tambe a wordo invita pa forma parti di e pro-  
 grama, pa comparti e diferente strategia y plan  
 di maneho, con Aruba pa motiva y desaroya,  
 Agricultura Sustenibel.

Nathalie Maduro, tabata e orador, durante e  
 presentacion, den presencia di diferente rep-  
 resentantenan di diferente pais. E presenta-  
 cion, a inclui topiconan manera, scarsedad di  
 awa, sistemanan innovatie, conscientisacion  
 y tayer, future di Agricultura etc. Un aspecto  
 di e presentacion cu sigur tabata interesante  
 pa tur presente, tabata e parti di cuminsa  
 planta den escala chikito den forma di hofi  
 na cas of hofi escolar. Tambe a toca e tema  
 di scarsedad di tereno na Aruba. Otro aspecto  
 di e presentacion, tabata e parti encuan-  
 to di e molinanan di Biento cu nos a renoba pa asina

duna mas accesibilidad na awa pa nos produc-  
 tornan. Pa local ta e opcion pa colecta awa di  
 yobida, tabata un punto interesante, cual hopi  
 di esunnan presente a aplaudi como un bon  
 opcion di parti di Aruba.

E topico cu sigur a acapara hopi atencion, ta  
 Santa Rosa su proyecto di rescate di Abeha.  
 Awendia despues di hopi aña di ta wordo mira  
 como insectonan peligroso, finalmente, nos  
 Abehanan awendia ta wordo reconoci como  
 un insecto sumamente importante pa polin-  
 isacion. Esaki tambe ta un di e motibonan cu  
 nos di Santa Rosa a stop completamente cu  
 benta di su pesticidan kimico cu ta dañino  
 pa nos medio ambiente y desastroso pa nos  
 Abehanan.

Durante nos presentacion, sra. Maduro a  
 wordo anuncia, cu BNA & Santa Rosa lo ta  
 bay inicia cu un proyecto piloto cual ta wor-  
 do yama “Rooftop Apiculture”, un sistema  
 awendia hopi uza na paisnan rond mundo.

Na final, esunnan presente tabata tin e o-  
 portunidad pa haci pregunta y comparti e strate-  
 gianan, implementa na nan pais, sinembargo,  
 nan a keda sumamente asombra cu e cantidad  
 di proyectonan cu Aruba, mediante e esfuer-  
 sonan di Santa Rosa, ta ofreciendo na e comu-  
 nidad di isla. Esaki sigur ta un confirmacion,  
 cu a pesar di tur retonan cu awa y tereno, toch  
 tin varios actividad positivo tumando luga,  
 den un escala chikito mediano.

Pa medio di esaki, Santa Rosa kier gradici  
 henter e team di Biblioteca Nacional di Aru-  
 ba, pa e invitacion y e oportunidad di compa-  
 rti nan presentacion cu e delegadonan di Acu-  
 ril XLIX. Adhunto, por aprecia sra. Maduro,  
 durante su presentacion, dialuna atardi.

